

養默山房詩藁

養默山房詩藁卷十五

松滋 謝元淮 默卿

彭城集

甲申

雨後麥苗暢茂喜作

快晴剛十日時雨灑千畦漠漠煙初散青青麥已齊
葉垂看引露根固喜盤泥過客心尤暢高帘柳塢西

燕子樓詞

以下皆試院題

紫燕穿風度畫梁朱樓深鎖暗神傷玉人不忍憐春
色鎮日湘簾下夕陽

黃土淒涼萬念灰當年歌舞剩空臺不知何與香山
事却把新詩作鳩媒

花落花開鳥自啼傷心從古屬春闈永豐坊裏楊枝
別何似高樓燕子栖

尚書功在古徐州侍妾偏傳燕子樓春社年年二三
月可憐兒女耐多愁

盆松

時俗矜奇巧功矯造化半形強巨細殊勢迫榮枯換
青青徂徠松千尺挺絕岸上有鶴鸞栖下有藤蘿蔓
五株膺秦封一枝蔭仙觀摩挲老龍鱗時來仰首看

奈何逢坎軻強使受牽絆生小移故土瓦盆勞澆灌
絲縛纖枝虬剪披細釵斷屈曲勢天矯不令逞直幹
鬱我冰霜姿充彼耳目玩培植黃土平點綴白石粲
公然雜小草位置陪几案是豈松之情令人發浩嘆
暫雖遠斧斤終慮佐炊爨安得主人憐送植天山畔
雨露滋本根風煙任蕭散得地蟠輪囷乘時干霄漢
他年五鳳樓梁棟此足辦

彭城懷古

千山崢嶸雲夢夢一城孤寄雲山中天下形勝分首
脊咽喉控禦茲其衝九州之域載禹貢爰有不庭勞

兵戎歷周迄秦互吞滅淪於蠻貊矜首功赤帝受命
起豐沛誰與角者爲重瞳咸陽旣縱三月火分裂疆
宇凌羣雄丈夫富貴重鄉里衣錦歸去酣故宮炎劉
末祀更搶攘紛紛割據橫剽攻餘子區區那足數高
樓獨臥陳元龍後來草澤出英俊九日戲馬傳宋公
偏安六代事爭戰南北恃此爲金墉嗚呼城郭耐興
廢須臾得失如旋蓬幾經塵劫逢

盛世極天覆幬周提封盡墾沙場種禾黍百年不暗
烽煙紅前越千古後萬古直偕宇宙同始終我來懷
古發幽興追覽疇昔欽英風一樽醉倒黃樓畔臥看

雲際青芙蓉

試雨前茶

欲解廬仝渴新茶試雨前竹爐添活火石鼎煮春泉
入瓊香猶嫩傾壺色最妍却憐陽羨里採摘芥山巔

柳絮

雨雨風風滿大隄柳花顛倒柳枝低紛投水面魚爭
啖亂入雲中燕欲迷纖手捧來還誤雪禪心定後總
粘泥可堪飄泊勞青眼付與流鶯自在啼

課蠶詞

宜寒宜暖早春期正是頭蠶出苞時蠶婦養蠶如養

子蠶飢蠶飽自心知

東鄰阿姊西鄰妹共採青青陌上桑一夜繁聲如急
雨明朝踏露早提筐

三起三眠上箔時看成黃白繭纍纍年來怕聽哀絲
苦莫放鄰家怨女窺

車聲日夜手纒忙萬縷千絲引緒長織就天孫雲外
錦大家應拜馬頭娘

登雲龍山望黃河長歌

雲龍山上雲蒼蒼雲龍山下波湯湯登城望遠不可
極攜筇徑度黃茅岡仰攀旁陟躋絕頂側身四望神

飛揚重城對踞高山麓羣峯包裹三面障北門鎖鑰
限天險濁濶淪卷噴女牆其時桃花正三月飛湍勢
已形披猖兩岸遙隄苦收束牽菱下埽勞周防我聞
黃河走萬里冰山之北崑崙陽跼突亂湧星宿燦方
幾由旬難料量沮洳伏流不可近出塞入塞盤甘涼
巨靈當日擘太華一條飛出驚龍翔其西屈曲穿尻
股溯洄上可浮羽觴行經大伾勢始放衝嚙往往災
齊梁汴泗交流憶唐代奪汴入河弱并強轉漕東南
資利濟洪湖引注清敵黃雲梯關下入海口容納斯
爲百谷王探源自昔阻聲教張騫泛槎徒荒唐有元

混一窮西北置郵遣使知其詳江河湖海在大地亦
如人身有肺腸貫串血脉去渣滓爲經爲絡爲膀胱
癰秘宣暢乃勿藥不然流滯生瘡瘍古今治法首神
禹元圭旣錫蛇龍藏後世治隄不治水秋風瓠子歌
清商三策難行故道改紛紛論說持短長五代偏安
治境內上源下委各分疆大吳小吳決宋季河成二
股趨混茫脫脫獨斷授賈魯石人之讖關興亡勝國
紛紜妙定議能事首推潘侍郎河防一覽類指掌誰
其知者江陵張

真人膺錄起長白掃除妖孽來嘉祥海若馮六効清

夏波瀾不起生榮光康熙中年偶潰溢上厓

睿慮恒如傷天生良弼拯墊溺至今廟食稱文襄邇
來治法愈周密視河緩急分柔剛或用梢茭防衝潰
或拋山石喧雷礮豈無牯壩任分洩目前取快憂可
忘近河郡縣諳修堵居民驚利威奔忙一摺安瀾奏
至尊年年九月飛清霜河伯効順

天顏悅十炷內府

頒天香小吏防守晉秩等亦有

溫諭褒忠良嗟予三載供奔走艱難未遇空張皇始
信大策貴先定隨機防禦有經常願得閒身臥泉石

遙秉北斗斟天漿口吸長河盪胸臆翻然披髮翔大
荒朝遊赤寶暮蓬島手疏九派流泱泱魚龍萬怪盡
讐服然後濯足歸滄浪

皇帝萬歲萬萬歲永慶順軌和八方天雞啁哳鳴酒
熟醉看初日升扶桑

微雨新晴

一夜廉纖雨朝來已放晴草從山際綠花向水邊明
喚婦鳩啼苦將鷓鴣燕舞輕融融滋土脉多少野人耕

彭城四詠

斬蛇澤

限豪韻

眞人被酒興方豪大澤風腥草木號三尺斬蛇開帝業
一時屠狗建功高山中雲氣成龍采戲下將軍練
豹韜老嫗當年聞野哭斷煙零雨長蓬蒿

歌風臺

限微韻

亡秦破楚著天威置酒從容故里歸猛士都隨高鳥
盡雄心還逐片雲飛樽前父老同歡讌馬上山河定
指揮不使韓彭供菹醢悲歌何必淚沾衣

戲馬臺

限刪韻

沈舟破釜定河山割立諸侯却自還背約豈應遷義
帝懷鄉何苦失秦關沐猴未免當時謔戲馬聊開九

日顏公讌後來稱宋武荒臺終古不教聞

放鶴亭 限麻韻

高亭孤聳暮雲遮暇日登臨望眼賒有幸山人逢玉
局無心野鶴戀煙霞千年碧水餘丹井萬里黃河走
白沙莫訝仙禽今不返紛紛古木滿昏鴉

煙草三十二韻效韓孟聯句體

嗜好日遞增物產巧相湊煙草首閩粵滋蔓徧宇宙
習尚初偶耽服食久彌驟雖乏醉飽功反居飲食右
種與菽麥偕利爭農圃厚樹植須肥饒澆灌使暢茂
搖風葉垂青蓋露梢茁秀採取趁晴和製造誇師授

細切堆亂絲零香和雜糅區別分精粗貨販競輻輳
筒具八寶相囊錦五紋繡竹木資切磋花鳥工彫鏤
項曲僧仰孟腹虛蚓穿竇星星火然爐裊裊雲出岫
服氣仙餐霞吹簫鳳引味最宜午睡餘或值卯酒後
咀啞爽胸懷馨芬盈襟袖需竟齊米鹽禮藉娛姻媾
衆癖將毋同獨異轉形陋狀因復愈奇品以新勝舊
遠致州名潮小灶法若灸一呼一吸纓子棄子取又
忽訝水生煙居然蘭有臭陰火壺中潛鳴泉齒上漱
玉瓶手常把香屑鼻屢鯁領趣氣味先竄腦辛酸透
金盒盛蘭膏紅燈耀白晝對臥成尸居相推飫脯漏

罹毒日相尋爲禍乃不救溫性著本草佳名擬紅豆
倦資振精神醉亦生眩瞶何當補食經典故待考究
春日四詠

燕剪

誰將刀尺巧裁雲忙煞雙雙燕子羣春水一江須半
取東風二月好平分剪開霧縠爲裳易製得天衣補
袞勤幾度鋪張幾熨貼柳絲花片日紛紛

鶯簧

一自遷喬囀上林本來仙樂是仙禽閒關花底初調
舌睨睨枝頭載好音聽入商聲風細細歌成水調雨

沈沈何堪挾瑟重回首斗酒雙柑舊日尋

蝶板

翩翩鳳子戀韶華譜就羣芳記未差按曲美人餘舞
草徵歌狂客有飛花笛驚入破邀三弄鼓折回颺聽
一搥取次相看楊柳岸阿誰低唱趁紅牙

蛙鼓

池塘水滿草青時鼓譟填然到處隨天上六更星爛
爛堦前兩部雨絲絲因思將帥音如怒卻問官私聽
轉疑屢祝豐年應祭賽聲聲報與社公知

讀項羽本紀書後

聖模訖周錄雄圖華漢封秦楚資掃盪樞紐運於中
羸鹿走四海爭逐來羣雄天心眷赤帝亦復生重瞳
沈舟奮一戰烽火三月紅裂土胙諸將指揮如旋蓬
行閒全呂后俎上釋太公漢王稱大度翻爲楚所容
鬪勇不關智屢勝輕其鋒鴻門失弗擊乃有垓下窮
丈夫死則已那復歸江東頭顱贈故人叱咤生悲風
霸楚雖無成亡秦實有功司馬列本紀未免太尊崇
班史置列傳竟後隴上傭抑揚失所當塊磊填人胸
世家援楚例庶乎爲折衷濁酒不可醉大業不必終
拔劍而起舞寒光飛白虹

放鶴招鶴歌

雲龍山人野鶴姿山人之意鶴知之山人好鶴如好
客客去客來皆有時山人閉戶正高臥野鶴鶴縱依
東籬一夕秋風滿雙翩山人心逐浮雲馳鶴兮鶴兮
胡不翩然起高飛我聞十洲三島神仙足官府鸞鳥
能歌鳳鳥能舞垂天之翼扶搏競翱翔縱爾入青雲
棲爾乎珠樹飲爾乎瑤池上與列仙相追隨一在罍
風颭沓東西南北吹鶴兮鶴兮盍歸來樂亦不可極
樂極翻興哀仙之人兮杳何所雲程恐觸虞羅機爾
不見荒陂之媒陷同侶鸞鸞之味蔽爲掌中杯空山

匪寂寞下有丹井上有紫芝飲啄可以忘渴飢歸來
歸來兮山中之人與爾長相思

餞春四首

嫩雲如夢曉煙含聞說東皇已駕驂四月垂楊遮道
左一天芳草望江南花投芍藥情何限酒進醪醑興
早酣總覺恩恩歸太速等閒孤負徑三三

含情含思語斜陽九十春容暗自傷良友別來勞遠
夢美人歸後剩餘香歌臺舞榭難回首細雨微風易
斷腸多事杜鵑催不住只將花片助行裝

東風如馬水如車
盡流年鬢欲華暫向人間原作

客早知天上是還家隨旌遠去憐啼鳥臥轍攀畱有
落花紅杏夭桃都結子好教原野長桑麻

可知何處受恩深榮徧山林又上林樹在中庭皆是

玉花明南畝總如金

學使初試徐士賦
題黃花如散金

雖然自溥陽

春澤畢竟難忘草木心怨蝶癡鶯渾未解有人搔首
望棠陰

打麥詞

小麥初齊大麥長田公早作十分望拚將飽眼連朝
看看著青青看看著黃

腰鎌收穫喜全家少婦殷勤解送茶宛轉牛歌遙唱

和歸途載滿四輪車

飲馬牽牛弟與兄村醪相勸亦多情滿場堆積如山
富還祝天公十日晴

收拾禾場比鏡平終宵作苦到天明江南動地連枷
響換得徐東碌碡聲

漫說陳陳便滿倉大家租要小家償風前粒粒如珠
美多少糠粃出簸揚

暇日還從市上過今春最好雨調和街頭陳麥如沙
賤新麥登場麪較多

置酒歡娛且暢懷新鮮品味好安排鄰家只會攤煎

餅莫說何郎十字佳

牧豎村娃不解愁
野花簇髻自風流
如今官府清於水
樂向光天鼓腹遊

上督學周石芳侍郎

系英

四首

身在蓬壺絕頂行爲承

天語出承明
屢持玉尺量才士
徧把金鉞度後生
晉

嶺蜀山經點染

督學山
右巴蜀

浦雲江月共澄清
上林無限

親栽樹一一逢春各向榮

花樣江南萬錦殊
天孫機杼費傳摹
一時名士皆高

弟千古文宗仰大儒

六主
輔開
四督學
校

經濟許身同稷契
賡

歌拜手致唐虞待將才俊收羅盡黃閣從容翊

廟謨

滾滾詞源倒峽同大江西下大江東

視學江右秩滿移督江左

龍

紋早識延津劍焦尾還憐爨竈桐話到枌榆思澧水

欲隨桃李慰春風朝來許傍橋門聽

三月十三日侍公謁聖聽講

望見宮牆萬仞崇

才疏未敢薄微官趨起風塵愧素餐一語褒同九鼎

重

公每對衆褒譽輒以官不稱才爲惜

萬人爭向五雲看蕭條久信謀

生拙知遇翻愁報稱難花滿彭城春似海幽香獨取

故園蘭

答周子堅

詒機

二首

桃李非一樹春至齊含芬鸞鶴非一族矯翼懷青雲
呈妍敷化理悅性斯同羣與君皆楚產遠隔湘江濱
湘水清且深可以喻殷勤哀怨溯靈均惜我勞風塵
風塵何足惜聊使逸氣伸

海內趨風雅知音竟何人喜君具妙悟一洗月露新
君家喬松樹霜幹拂星辰垂陰覆四野豈獨蔭君身
不因肥甘美而棄苦與辛不因富貴重而棄賤與貧
天地存至性

君靜妙軒
集中句

此語爲重陳

房山旅舍聯句三十韻

海州

驅車五百里

蓮

浩浩塵埃加積勞健筋骨

堅

觀風慰

桑麻既無水旱虞

漁

值此景物嘉衆山拱遙翠

默

落

日烘晴霞麥垂實離離

蓮

樹排枝柯村隨遠霾隱

堅

門帶長林遮馬繫古厓側

漁

纓濯淺水涯潛鱗避

人影

默

歸鳥衝簷花打頭屋入甕

蓮

折腳牀蟠蝸盤

殍亂草堆

堅

囊橐汗泥塗喘息定吳牛

漁

鼓吹喧官

蛙渴涎傾杯螳

默

頽垣篆卒猥荒葛習枯井

蓮

欹棚

絡早瓜手龜村叟憊

堅

足蹇僕夫痕蠶縮客臥僵

漁

鼙警旅夢搗櫓破漏星彩

默

燭炮移月華下士笑蒼

蠅

蓮

壯志摩青蛇詩奇嘔昌谷

堅

韻險追劉父文心

古無錦

漁

世嗜今多痴琨雞促舞夜

默

齊蚓羞出哇

天地寄曉蛟

蓮

江海遊目蝦身蓬轉風梗

堅

宦樹通

天植升沈泥憶雲

漁

結納玉依葭途修驥彌橫

默

雲

挾龍可拏莊生借逍遙

蓮

屈子悲懷沙趣同志各異

堅

思正行不邪努力慎駒隙

漁

儲才待兔置浮蹤聚

東海

默

指誤憑南車雲臺近可卽

蓮

遊屐知非賒逝

矣又將駕

堅

斗柄方橫斜

漁

登胸山馬耳峰絕頂束子堅夢漁蓮叔

微雨阻遊興快晴顯翠碧朝煙散欲盡獨理登山策
同懷二三子顧盼在咫尺美遊不獲偕應爲山靈惜

遲遲度幽澗仰空氣先逆陽嶺孤花秀陰崖古鐵積
鼓勇盤羊腸馭氣躡劍脊亂石逞雄怪巉巉類剗刻
虎豹方伏莽鸞鳳忽振翮快馬入陣橫猛士當關搯
爭肖形頗殊旁眴境旋闢揚趾下已高舉頭勢尤逼
攀援喜前覽應接妙後歷騰身踐馬耳天風若扶掖
貧賤腰脚健轉資濟勝益行空自飛越那復愁顛踣
雉堞踞山股鱗鱗幾家宅長河帶繞紆夾岸鹽堆白
皇天富斯民不煩井竈力奈何梟黠徒干犯反自賊
東海遙在望雲臺近可陟海氣雜山嵐蒼茫忍相覿
長嘯對丹霞天際韻金石良友幸聞之相望指雲隙

圓林寺

絕巘寸草稀青林一寺隱好風逐行客悠然忘近遠
鐘磬寂無音已過齋時飯扣關鳥應門升堂足踏蘚
孤花有餘態離腳紅碗晚古佛閱世深老幹巢鵲穩
黛色無古今白雲任舒卷住者竟何人庶足安偃蹇
自笑奔走倦尋幽興不淺睠茲愜素襟幾欲忘軒冕
卓錫吾豈能執鞭恐未免却望秦東門獨來還獨返

唐時雙銀杏 圓林寺前

喬木表刹古靜境愜幽適雙蓋盤蒼冥濃陰夏無隙
老幹十人圍高枝逾百尺野風忽颭然山鳥鳴格磔

兩雄互爭長柯葉交相格蟄龍蟠九泉鱗鬣時怒逆
雷火焚不死螻螳豈足戾長留太古春鎮茲梵王宅
手種傳唐時萌芽茁棄核萬事等滄桑雙樹猶愛惜
我欲問前朝惘惘增愁寂憶昨歲庚午於此憩遊屐
忽忽十五年青青狀猶昔羣軀異草木星星鬢欲白
蟾烏不可返撫世空嘆息同生天地內恩恩皆過客
榮名滋擾攘徒爲造化役後時倘重來俯仰又陳迹
一樽醕錦屏六韞等衽席醉臥兩樹間酒醒日已夕

重過房山有懷子堅兼寄蓮叔夢漁

客蹤如奔車山形若戴笠前日塵埃閒於此下車指

聯吟就荒館琢句闢險澀相從古鬱洲海氣蒸衣濕
五日寄燕遊百川看鯨吸大匠無全材榘桷隨用及
溲渤異參苓藥籠許並入殷勤下卑微知遇感篇什
謂石芳司徒胸山朝嶙峋房山暮豈岌願作山頭石與君
相望立願作石上苔待君屐齒集莫作海上雲漠漠
蔽原隰

小沛呂布射戟處

龍蛇紛戰鬪金鼓費調和一箭方穿戟三軍盡偃戈
豈真援帝胄亦自據關河日暮荒臺下臨風憶凱歌

彭城行送俞鳳臺太守

穎達

奉諱歸山陰

四座寂無聲聽我歌彭城彭城楚舊城遺俗尙縱橫
長河繞衣帶列嶂高崢嶸山川控險阻守土資嚴明
歷世有賢哲張蘇尤錚錚荅荅千載下繼迹徵時英
俞公今俊彥出處諧忠貞首擢判建康風采何觥觥
再命刺東海貞消強并崇川沾雅化淮海望麾旌
大府書上考

至尊頌循名徐方股肱寄三載甦疲氓惟公眞循吏
豈獨昭廉清平反恤民隱撫字殫精誠金隄固保障
天吳潛不爭玉粒贍流離哀鴻飽不鳴旭日市晨集
綠野人夜耕溝澮導全滯阡陌羅樹杵庖鮮酒肉奉

境無杼鼓驚談笑決大議惻怛指羣盲能肩山嶽重
賴茲鐵骨撐公昔辭郡往臥轍車不行公昨還郡來
徧郊竹馬迎民心自愛戴公意奚重輕二月桃始華
三月飛流鶯春風復淡蕩吹雨還吹晴陽和蘊胸臆
萬物欣欣生剛介易嚴刻公心止水平推引下僚案
殷勤若弟兄錄善及細微棄瑕全晶瑩卽今所拂拭
一一皆瑤瓊賤子苦些窳欹器不足擊垂綆百丈修
用汲清冷泓陶埴慙菲薄玉椀羞同盛有心非草木
有耳非鼎鑄仲夏月在午炎飈拂檐楹青鳥翩然至
資公司水衡

時奉檄權
河庫道篆

遷轉應怡悅瞻望重屏營

庶思借寇婉婉如啼嬰挽鞭意孔厚星軺趣雲程固
知不可留焉知憂患萌金萱毓靈秀北堂歡承榮奈
何遽凋傷血淚一時傾麻衣映江水嗚咽聲悲榮昔
我羈吳下聞喪奔南荆今日送公去掩涕衣襟盈貴
賤雖異等共此哀迫情公惠在江南如波涵滄瀛又
如日與月東西懸光晶滄瀛無時竭日月無時更願
公節哀慕四郊方惻惻蓼莪終古廢零雨滋恩青會
稽遠甌越秋山多蘭蓀若耶水清淺中有勞尾賴到
家及早秋負土廬荒塋青青陵上柏還爲廊廟楨吾
欲竟此曲激楚歌難成雲龍鬱蒼翠歸鶴翔天京

彭城喜雨贈柴門司馬

時攝府事

往歲邳州吟喜雨
炎炎五月日長時
隨車到處恩膏徧
又賦彭城喜雨詩

南山遙對岨山岑
中有閒雲靄靄深
人事天心相感格
爲君一夜作甘霖

一雨豐年頃刻分
郊原黍豆各欣欣
爭傳太守清如水
還我當時舊使君

馴鶴堂

銅沛署齋額

前共舉觴不須沈
醉笑低昂聽他四

野謳謠好報社家
家酒椀香

重過下相有作

下相重來又隔年孤城如斗兩河懸湖趨駱馬聲奔
放山望蛟龍勢蜿蜒破楚功成仇易復亡秦事往憤
難蠲邑爲子胥項王故里古今何處堪回首眼底紛紛大可憐

題蘆雁

瀟湘水闊沒平莎回雁峯高客思多故國年來霜信
早荻花如雪浴晴波

題釋宗言荒柳圖

暮煙局幽巖寒禽絕孤影原野莽蕭條萬卉生意屏
楊柳自多愁况值荒闌境泥絮雨無因婀娜何由逞
金陵老開士臨摹得此景榮枯各隨時象外發深省

不有後凋松青青秀高嶺

黃河夜泛

皎月映黃流黃河夜泛舟
亂峯排櫓背羣雁語沙頭
岸闊魚龍偃村荒黍稷稠
模糊山一角知是古邳州

步月

把酒聊爲醉偷閒客在家
蛩吟荒圃月露泣野籬花
逐影憐人拙經秋漫自嗟
廣寒如許到河上有仙槎

中秋圯上對月

秋來無夕不堪憐况是新涼雨
霽天綠柳未凋人欲去
碧雲如洗月初圓
光搖白酒千杯醉影徹黃河萬

里妍却恐姮娥翻笑我年年相望圮橋邊

十六夜崗山對月

秋林露氣重涼月如昨夕孤館獨徘徊已是行路客
家人應未眠念我勞于役故鄉杳難望况復煙霧隔
遠近等別離好爲憂端集

十七夜彭城對月

疇昔宿岡山清輝皎白晝百里車輪圓展轉遙相就
黃樓面雲龍邀賞一樽又盈虛雖有時悲歡視所遭
蟾影解隨人莫隨人影瘦

題郭漪塘令子應圖遺照

天上樓成事渺茫誰教短夢熟黃梁失雛烏鳥還餘
哺戀子窮猿已斷腸形影空憐圖畫裏吟魂應繞讀
書堂多才自古難爲福費我題詩淚幾行

鍾吾旅夜感懷東張梧岡庶常

德鳳

數月勞舟車風塵自擾攘問予何所營燈前殊惘惘
富貴豈可求衆趨心輒往自不免飢寒聊復存非想
古人處窮困斤斤尺不枉我讀古人書胡爲甘鞅掌
星月炯茅屋秋風延夕爽却憶淡蕩人間庭寓清賞
乘興欲相尋慙惓惓俯仰寄言託短篇慎勿嗤鹵莽

九日旅次鍾吾集飲馮吟山大令

立嶸

署齋

同周湘莖明府 錡作

驛路恩恩撲面塵，琴軒暫憩得閒身。
官如野鶴爭清淡，客與冥鴻論主賓。
佳節況逢重九日，狂談恰好兩三人。
爲詩爲政渾難據，我輩相知任率真。

鍾吾百里徧棠陰，玉露還滋玉樹林。
紫蟹初肥供客醉，黃花滿放得秋心。
風雲欲變天垂晚，杯杓將闌酒漫斟。
明日更驅車馬去，爲君慷慨發高吟。

哭楊氏姊

七月初四日亡
九月十一日得訃

孤桐生絕嶺，鬱鬱無傍枝。
枝葉自相樛，苦爲霜雪欺。
嗟我同胞姊，奄忽與世辭。
十指心共痛，弱一成廢肢。

中年易感傷況在遠睽離殘檠聞荒館淚下如連絲
生死隔重塵杳杳復何知歸鴻哽遙夜助我空中悲

二

骨肉恩自均愛女常勝男姊昔出閨去父母食難甘
謝家托令門炊績愁未諳婉孌遵懿訓貧儉無愧慙
辛勤育兒女少負長能擔忽忽三十年雙鬢已鬢鬢
衰親念女切築舍金山南耕鑿同井里一日見常三
思室幸非遠貧窶其何堪

三

陟岵失所瞻循陔失所恃蒲服空歸來所欠惟一死

弟妹哀榮少長兄與姊傷哉三年愛不救五斗恥
自我官下邳乃復念妻子危帆劃怒風遠涉江河水
千里肯相將一見雜悲喜

四

相見雜悲喜相別悲復悲昨歲六月夏倉卒忽言歸
挽畱旣不得臨歧益悽其念姊年未衰重逢尙有期
良人幸偕往弱女還相依坐慮波濤深來往江風吹
風吹不入地竟成死別離寒雲暗古郢哀情安可追

五

冬氣何慘慘大野沒積陽松柏日憔悴况乃落葉黃

吾生多憂患四十已非強惴惴一寸心叢茲百慮傷
屏憂思作達展轉結中腸安能如草木親愛總相忘
草木有本根吾意終徬徨

輓余次卿侍御六十四韻

故舊如秋葉飄搖日見疎同心有數子天涯悵離居
期共保歲寒零落驚可吁惟君總角交少小同里閭
我始客燕市君來因公車他鄉快相遇燈火偕呻吟
我年十八九君年二十餘文酒屢角勝得句時狂呼
愛我詩俊逸畏我氣豪粗好我稱狷介嫉我爲飲徒
我亦遑君言唯唯聊相娛貴賤應有定南北遂分途

一賤走江表一貴畱

皇都初聞入翰苑繼值承明廬郎官粉署重民曹紫
綬紆音問自茲稀升沈勢本殊憶昨甲戌歲匹馬朔
方驅塵埃未及浣訪君城南隅少年忽老大相見各
軒渠爲我置樽酒肴核魚雞豬從我詢姻婭瑱碎及
樵漁令子甫十齡矯若天山駒呼來立身畔眉目清
且癯背誦兩京賦問難窮詩書歡喜畱五日醪醑傾
百壺別君返楚郢旋復遊勾吳天禍不追善至性傷
羈孤君方慟子夏我更泣臯魚尺素不緘淚應知淚
早枯屢聞官職晉倬值參中樞玉尺分校士柏府聽

巢鳥中外望丰采神羊立玉除况我耐久朋側耳聆
宏謨往歲上封事侃侃鋤猾胥此輩工隱伺若社鼠
城狐狡匿兔多窟憑威虎負嵎君言中肯綮奸黠無
所遁又疏河防弊採撫費爬梳宣防關國計何止重
儲精風聞詎盡善要非事所無

聖朝本無缺仁風四海敷

霽顏納忠鯁不棄薨與芻我惜困簿尉鹵莽懷區區
君處得言時胸臆宜直據奇才應大展胡遽歸丘墟
玉樹摧瓊崖潛潛涕沾襦高堂二老親霜雪盈顙顱
望子娛衰暮何以慰桑榆雖有親弟兄悲戀恐難舒

我昔失怙恃反哺慙慈烏君今中道折衰鳳喪其雛
同此終天恨生死理應符遺孤在襁褓旅櫬歸誰扶
遊魂返故鄉知否踟躕劬富貴焉足羨石火耀須臾
所傷殀楨幹豈爲一家虞吾邑介僻壤流寓仰名儒

世明道朱元晦俱曾講學邑境

爾來廣聲教磨礪足璠璵彭子湑朝

露名玉龍山西澤州太守

與君先後俱熊

名佩之戶部郎中

黃

名士瀛翰林院

編

皆後彥未悉遑敢譽蓉城自有主修文語或虛君

去宜控鶴我弔欲鳴驢顛風阻江水白日寒菰蘆作

詩寄哀音擲筆空躊躇

重登雲龍山有懷石芳司徒六十韻

時聞病店

曩作雲龍歌，倥偬值鎖院。多士建旗鼓，壁上觀酣戰。
決機攻整暇，行陣寓奇變。出奇嘔心肝，求援咒筆硯。
三申令綦嚴，五色目幾眩。矯矯司農公，一覽無餘卷。
從容顧我語，爾盍奏所擅。我退搜枯腸，短章再拜獻。
公乃大歡喜，謂我屈曹掾。明日當廣場，極口亟稱善。
遂使能詩名，半日開傳徧。更取所拔文，令我裁評最。
嚴我時驚且慙，惶悚汗沾面。公意殊坦然，當暑能揮扇。
自是每出題，薄技俾先衍。譬罍熊魚珍，反愛薑芥賤。
又如製雲錦，先裁布與絹。滄海珠不遺，所得皆俊彥。
春服幾日成，鴈詠恣童冠。旌節影飄飄，歌管聲漫漫。

城南別有未芳菲，猶爛絢纓徐青山。多雲龍最蔥蒨，羣公暇日遊於此。設祖饌，太守貌清臞。

俞鳳臺

觀察神

精鍊

吳省菴

赴赴

鄒德我

冠蓋陪嘉譙，我厠

丞簿中。踉蹌傳呼，便其日雨霏微，滑磴盤一線。訝公

步履強，興高身彌健。回首笑羣賢，扶藪勞板援。既登

放鶴亭，山川供流眄。青岫遠濛濛，白雲低片片。柳絲

裊長隄，麥秀鋪芳甸。大河從西來，混混激飛箭。疊嶂

幾包裹，屈曲不可見。花叢胭脂濕，草茵珍珠濺。好鳥

復多情，鳴噪如相勸。談笑時已曠，周覽意未倦。玉局

杳難追，鶴去餘斤鷄。迄今七百載，重有斯遊宴。匪直

公心愉還爲山靈羨自公渡淮南我亦歸山縣
勉効馳驅擾攘費郵傳頻從山下過未許稍盤旋
今朝偶登臨朔飈欲集霰濃雲覆四野巖巒疊隱見緬尋
昔所經巉石莽零亂落葉響空谷草木含餘戀同遊
三四人厯厯晨星散

時吳觀察入守以憂去邢總鎮病卒

觀俞太

惟公

官閣閒遠阻江如練側聞耗寒暑近已脫糾纏諒資
參耆功好繼珍羞薦雀舌烹頭綱龍涎沃甲煎充體
養太和神思自欣忭徙倚瞻吳閶目窮景愈幻安得
生羽翼凌空逐旅雁乾坤一俯仰光風暗流轉滔滔
閱逝波鬱鬱森樓觀欲去仍遲留臨風再三嘆知己

感夙心寵遇荷

天眷待公重來遊執鞭乃所願

咄咄四章

龜山傾仄水神嬉闐然掣鎖窺天池震蕩怒風兼怒
水飛濤百丈翻旌旗帝命庚辰急下捕長隄凍作銀
琉璃蜚廉得勢逞狂怪指揮魍魎鞭蛟螭不知何年
漏蟻穴乘風一決無東涯其日嚴寒牛馬死仲冬十
二夜子時

千家萬家當橫流夢中一夜生魚頭蒼皇衣帶自連
結魂魄牽挽波閒遊天邊日月竟何在釜底淮揚辜

未休嬌兒呼耶孃呼女鬼伯亂招聲啾啾鯨鱓盡出
青燐燿人鬼爭路風雲愁天耶人耶誰爲砥柱者何
當爲此生民謀

老謀獨斷衆議折玩茲滔滔視井渫當時誤惜萬黃
金錯錯難鎔六州鐵君不見南朝老將吳明徹決機
爭衡稱勇哲奮髯不聽蕭摩訶敗入呂梁身名裂名
裂猶是感殊恩陽關萬里沙塵昏百口誰保晉王導
戰還留楚得臣咄咄時勢難再誤褰裳欲往重逡
巡

碣岸連縣百餘里儘罄金錢禦洪水當年制敵築浮

山後世轉輸賴有此天上星槎入河低淇園菉竹山
與齊此日正宜沈白馬此時誰信錫元圭元圭旣錫
天心喜十日成功古無比事到艱難需老成人從顛
沛感知已顛沛艱難幸已過舳艫啣尾何其多百夫
曳之未肯動安得乘流飛渡河嗚呼安得乘流飛渡
河

悲歌行輓石芳少農

十一月晦
卒於學署

來日大難去日多今日不樂還悲歌萬古天涯感知
已臨風於邑愁奈何蕭條冰雪逼殘歲白日黯淡忽
西蹉傳來惡耗初未信繼以涕淚雙滂沱憶昨迎公

在下相風貌奇偉鬚眉僊蓬島仙人謫塵世玉山步
履鏘瑤珂晉接恍然疑舊識夙因信有言非訛按部
彭城鎖棘院職司巡警勞曠訶漏深燭地僮僕睡逢
逢官鼓過靈鼉公家湘南我澧北故山蘭茝芬巖阿
嘆息衙官有屈宋塵埃奔走常轍軻白璧多瑕棄土
壤取而拂拭加摩挲嗟我困窮遭狎侮一經題品羣
爭睨參軍蠻語弄章句看腫背馬譁駱駝他山之石
豈足貴磨礪乍可資切磋公子翩翩喜文翰一見欣
賞符谷坡牡丹芍藥矜艷冶亭亭獨愛泥中荷自知
蕪音愧大雅蚤吟蟬噪同么麼孤花弱蔓寄霄漢亦

如松柏牽修蘿幕府諸君盡才俊堅壁固壘森金戈
我處荒陬增固陋肆然自大如尉佗盛氣橫來挑勁
敵趨城直欲憑尖韞十盪十決笳鼓競棄甲歸來理
則那佳篇展讀遽俯首薔薇露澣香橙搓攜將明月
照玉宇巨刃持向青冥摩忽覺綺麗光風異紅妝細
馬春山馱燕趙佳人十四五日調粉黛描雙蛾輕顰
淺笑俱殊世掌上一舞推秦娥修飾邇來更娥媚少
年塗抹羞阿婆草蘂丹鉛定甲乙惟公雅量容嚶囉
昔別雲龍雨方霽四月春盡猶清和平原草長萬樹
綠青黃夾道垂麥禾泗上山多看未暇把我詩卷與

中哦逢人到處說小謝此已足感何況他相隨東海
恣遊覽雲臺秀矗青峩峩獨上胸山踐馬耳朱櫻紫
筍紅成窠衿衣布襪雜珠履談笑禮數蠲煩苛酒間
從容話往事勸我先倒金叵羅陽羨芽茶帶芳露花
瓷茗椀陳官哥醉擘赫蹏供揮灑書成每換羲之鶩
道我塗鴉太草草有類篆隸兼籀蝌凡材謬邀國士
遇未敢媿媿隨嬰嬰行誼校士有典則文章報國無
偏頗議論淵源得至理河探星宿江岷嶓理學名儒
出翰苑益令朝野崇巍科倘贊

綸扉秉鈞軸坐看溟渤回狂波今年六十未衰老白

鬚彌顯朱顏酩往在晉蜀方壯健兩鬢青於佛頭螺
鳳鳥一鳴丹山曉百禽自集無須囹鐵網所收渺棄
物輝煌寶樹珊瑚柯一從結夏澄江曲烏蟾遞換驚
飛梭星軺來往積勞瘁炎風暑雨輕爲病微聞寒熱
失調護來病君子真頑魔驅疫古禮自先聖阼階朝
服鄉人讎死生富貴天所命回首不得稍延俄仲冬
之月月正晦竟騎箕尾天京過孝子自來悲風木門
人還爲廢蓼莪公之精氣在霄壤如星如日如山河
學術精純文體正永與衡嶽歸不磨嗚呼曼卿本仙
去芙蓉城主乘素騾古昔名賢皆未死別有世界舊

婆娑旣得反眞歸
兜率霞衣應兒朝
紳拖靈觀一幃
渡湘水投詩誰爲
哀汨羅招魂幾度
歌楚些冷吟凍
筆頻噓呵平生知
遇散如雨歸耕早
擬披煙蓑瓶鉢
千山久行徧深崖
匿迹師頭陀烹石
煮泉衣薜荔何
似容與腰青綢
旅雁淩霜橫絕塞
秋蟲弔月啼寒莎
撫景追思亂方寸
安能清淨皈釋迦
羊曇痛哭西州
路山邱零落愁
逶迤東望吳雲
寄悲慨一杯遙
酌九醞醴側足
乾坤莽蕭瑟吾
懷莫遣其踈麗

養默山房詩集卷十六

松滋 謝元淮 默卿

圯上集 四

乙酉

上兩江制府孫寄圃節相 玉庭 四首 時蒙以勸挑邱

別於泥幹溝河保舉遇缺儘先陞用

閩外封疆宰相尊旌旗如錦閃轅門

九重正藉鹽梅用四海同沾雨露恩冬日長時增愛
景春風去後有餘溫康衢擊壤賢臣頌詠徧甘棠處

處村

山公啟事異淳于薦到卑官與衆殊蟣蝨臣名經

御覽駑駘馬力奮天衢從來國士懷知己此後微才
勉故吾溝渰豈能溟海益寸心常是抱區區

頻年鄭蹕守河干潦倒風塵鬢欲殘地近南邦資水
利人從下界望雲端頓教黍谷迴春管終喜喬松耐
歲寒我是鉛刀纔一割絃歌莞爾笑輕彈

宸翰親頒

御墨香

時蒙
天壽平格

御賜
匾額

巨心如水

聖恩長身當柱石輝

金闕手把蘭蓀種玉堂

公子公孫
俱入詞苑

天下異人文潞國

世閒全福郭汾陽安排康濟蒼生了畫錦優遊樂故鄉

題睢陵少尉張宿海

映星

蘭竹冊子

怒時修竹喜時蘭拂拂齊來十指端意氣知君豪放甚南陔日與報平安

瀟湘風雨澧沅春領畧當時愧未真今日展君圖畫看烟梢露蘂總精神

寒食郊外作

冷節誰寒食東郊景物妍杏紅初吐火柳綠乍含烟野祭何人墓灰飛故紙錢踏青傷過客還憩小橋邊

清明遊睢陵東郭外

桃花未放梨花小杏花梢頭紅悄悄一枝斜出對殯
宮墓中之人愁應少浮世功名能幾年掉頭衰草化
寒烟誰家玉樹飛蝴蝶何處青山哭杜鵑杜鵑啼血
蝴蝶死可憐當日繁華子祇買笙歌不買愁荒涼一
例隨流水流水潺潺最有情夕陽橋下斷腸聲踏青
勝日人如玉芳草萋萋綠又生今年寒食花爛漫明
年寒食知誰健手折花枝弔九原教儂那不生畱戀
畱戀須憐現在身黃金無處買青春杯酒暫澆花下
墓當時曾是看花人

清明後十日大雪土人呼爲桃花雪

清明時已過暖被薄寒攻亂洒桃花雪來因柳絮風
飄從梨蘗白散入杏林紅流水潺湲去仙源似可通

喬山

睢陵

喬山多亂石一徑繞峯頭上有神羊跡傳聞羽客留
桃花明古寺芳草暗荒洲薄暮聊登眺無須記勝遊

望九頂山

睢陵

遠岫翠重重千霄列九峯雲中飛寶蓋天際插芙蓉
醉月聞詞客

九頂翠微睢邑入景之一題詠甚多

耕煙付老農自公偏

少暇

時清丈闢河灘地

未免負吟筇

晉王元公

祥履墓

睢邑東門外

昔賢湯沐邑遺愛至今隆
履舄曾何貴衣冠此意同
樹滋黃雀雨冰解鯉魚風
孝友誰能繼徘徊夕照中

過鯉魚山

鯉魚山上石巉巖
山下來帆復去帆
我有尺書寄河伯
只愁咄咄達空函

雙古墩傳是石季倫墓

石季倫墓

白首同歸後青山朽骨存
史傳當日富人指古時墩
歌舞渾如夢豪華未可論
雖然兩塔堪何處寄強魂

水汭鐘歌

睢邑

前明正統中黃河有鐵鐘二浮水而下聲
如雷吼忽離忽合民以爲怪斬牲祀之一
鐘遂止於岸取懸文明樓崇禎二年河決
城圯鐘亦淤沒至十五年忽自土中奮出
復置北門樓上尋墜今在文廟中約重
六七千觔人不敢擊相傳擊之則淮泗交
湧其一止於宿遷正德十五年主簿何澄
懸於縣樓叩之不鳴怒以鐵椎折一角夜
夢黑面巨人曰何爲折我一肢我知報君
矣寤而大驚後澄追捕鹽徒忽墜馬遇害

或以爲碎鐘之報云

塵沙黯澹天大風櫺星門觀水永鐘甬衡剝落旋蟲
古腥涎觸手苔藻封倭耶蓼耶孰製此來自滔天萬
里黃流中在昔正統紀元始洪湍飛舞雙龍子如怒
如戲卻復前三日奔騰鬪不止居民惶懼祭以豕一
鐘欣然止河涘其一去而至於下相之西鄙撻金伐
鼓月輪高前奏青琴後瓊簫大叩大鳴小叩小屢見
淮泗噴驚濤城郭傾圯魚龍戲此時不復隨波漂沈
埋地底十三載忽然自拔出蓬蒿懸之黌宮比石鼓
至今不敢輕相敲去下相者尤稱奇未知與此誰雄

雖主簿撞之鐘忽啞椎折一角真相宜奈何氣緩懲
妖夢夢中黑鬼橫恣睢何公捕盜死王事乃云鐘報
存疑辭古今忠孝秉大義豈可尋常論感施天生萬
物皆有用無用那許容清時二鐘失職廢擊考畱此
祇足滋羣疑我欲毀之付大冶鎔爲萬釜資蒸炊不
然改鑄將軍轂當關隱若蹲熊羆君不見古來鐘異
有時有不以不鳴矜不朽今茲未能和五音虛設宮
牆亦可醜鐘若無靈應有聲我有一言鐘知否與其
強顏附啞樂何如當作碎石拋塞高堰口一線金隄
永爲守

登岨山

卽葛嶧山

五載畱圯上終朝對岨山今來登絕頂不信在人閒
蒨屋千村見長河一帶彎孤柯何處覓山鬼守禪關
羊山

一峯當面起四野綠垂楊歧路東西出行人去住忙
大河春水闊高閣晚風涼每聽鐘聲度牛羊下夕陽
邳州舊城故址

昔日鳴琴地荒烟瓦礫多故城沈碧水遺忠說黃河
斷礎人猶識殘碑字已磨邇來臣朔飽分種訟庭禾
城於康熙十六年沒於水今爲官地道光二年胡
榮門司馬牧邳時悉以租歸巡檢司自子始也

白門樓懷古

舊邳城

鞍馬無時定重圍
殺氣騰階前生縛虎
韝上飽颺鷹
父子猶難保婚姻
詎可憑白門終自賣
何事怒陳登
重挑淤泥幹溝河

善作須成事
淤渠隔歲尋
雨陽因地利
疏鑿體

天心勞苦壺觴側
栖遲竹樹陰
豐熙吾素願
況復荷
恩深

經峯山開河風沙蔽日

黍稌桑麻地
昏霾絕塞同
黃沙迷廣野
白日黯颺風

萬里河流順千家
井里空年年勞畚築

時方修築決隄保障

賴天功

雞鳴山留侯廟

徐州北門外

廟祀留侯古山猶以字稱

俗稱子房山

雞鳴雖不逝楚破

漢方興士卒吹簫散遊人躡屐登隔河悲亞父孤冢
勢憑陵

九里山

徐州西門外

故鄉山勢好西北亂嵯峨天下中分少疆場九里多
大王原善戰軍士自能歌風雨青燐夜如聞喚奈何

陵母墓

徐州南門外

劉項方爭鬪英雄各遇時死生慈母決興廢婦人知

板蕩完臣節從容對使辭
荒墳蘋藻薦千古有餘悲

呂梁洪 銅山

南北稱天險懸流走駭波
磬還浮泗水源已入黃河
岸谷更遷易山川感慨多
往時爭戰歇磨洗認瑯戈

朱陳村 豐縣

自古多夫婦胡然說此村
三生同有約兩姓世爲婚
梅實曾無標桃天正滿園
吾儕非不偶王謝本高門

泗水亭 沛縣

漢祖龍潛日蕭然四海空
寬仁真帝者嫚罵亦英雄
有酒從王媪無錢賀呂公
可知亭長貴端在大言中

沛宮故址

沛縣

富貴還鄉里恩榮草木知慨慷天下事歌舞沛中兒
老去心猶壯歡來意轉悲如何思猛士卻感大風吹

畱城

沛縣

天教良輔漢相遇在於畱早破千金產終辭萬戶侯
書傳黃石授心與赤松遊故蹟餘荒草低回起暮愁
送元森弟回里

送爾黃河岸西風夜乍涼三年何所學一舸且還鄉
客路波濤險家山道里長故居墳墓在松菊未應荒

秋日行瞻城道上

葛嶧山前落日黃
瞻城道上野蒼蒼
草麻結子雞頭小
蕎麥開花蜂蜜香
雲氣自能烘霽色
宦情原不減秋光
輸他驛柳西風裏
冷眼看人上下忙

彭城中秋

爽氣乾坤滿
青霄絕點塵
最憐今夜月
還照去年人
說士懷知己
馮椒園太守時以如臯主簿薦
健梁門司馬招飲馴鶴堂
孤鶴恐難馴

崗山柿園佳實可愛

安期火棗枝垂盡
大谷交梨樹亦空
只有烏棹霜未降
綠雲遙綴萬珠紅

早行

明星出地十丈高
遠村茅屋雞亂號
欲曙未曙東方
赤秋煙漠漠
長林梢躑躅
山閒踏殘月
如珠冷露垂
征袍荒墳明滅
吹鬼火
已有田父耕東臯

秋夜漫成

夜漏初長蠟炬灰閒庭獨立且徘徊
看人富貴如棋局
梯已功名付酒杯
更有循聲徒自苦
詩多蠻語枉
憐才
仙山樓閣無邊好
得月終輪近水臺

雜詩四首

治生與治世厥道將毋同
賢者識其大小人計其功

樊遲請學稼聖固不如農乾坤互終古物理有時變
是非不揣本毀譽徒相攻願謝明哲人慎勿奪天工
有利必有弊立法難兩全權衡準重輕補救需後賢
奈何盛氣者執一訕其千今人薄古人時勢異後先
房琯用車戰商鞅廢井田事往論成敗有幸不幸焉
純鉤雖寶劍亦貴用得人術疎一不中資敵還戕身
聖王敷治化政教施深仁奉行昧厥旨流弊或殃民
伯鯨墮洪流繼之禹稱神長城利萬世築怨獨罪秦
大賈居奇貨積藏坦無憂販夫偶閉戶愁苦生怨尤
雖本器量別所挾原不侔孔聖志行道浮海嘆有由

子張學干祿已非君子謀擾擾若吾輩張也猶應羞
淮陰釣臺

垂竿人去釣臺存嘆息淮陰事可原仰視滕公奇壯
士饑依漂母識王孫也知功狗烹無罪爭得窮魚餌
莫吞後有嚴陵前渭水荒波萬古此銜冤

月夜登銀山

楊子江頭浪不生摩空嵐翠遠相迎舟停鐵甕潮方
退步上銀山月正明形勢此邦稱險絕風懷今夜最
幽清金焦漠漠烟波外准擬來朝打槳行

看菊
鎮江西門外

滿城燈火爛星光何處籬邊露浥香節慶

千秋稱

萬壽

時恭逢太后五旬萬壽

皇

花開十月勝重陽猶能愛菊

人非俗

種菊人盧佑之

只管吟詩我恰狂欲挈金樽相對飲

枝枝葉葉細平章

豬婆灘

丹徒

舟行忽然止阻淺豬婆灘小船篙櫓競大船束手觀

進退力兩竭待潮河之干土人聚沙際赤腳衣不完

索錢挽舟過耶許羣聲歡茲灘稱古淺疏濬至今難

大婦復小嫺事怪語無端

相傳此地爲豬婆乳其泥旋挑旋漲有大嫺小嫺等

名胡不成龍去貪此泥中蟠願爾定隻豬勿爲封豕
殘

登惠山絕頂

十年不到惠山寺今日重烹第二泉黃葉滿林風瑟瑟
清池過雨溜涓涓微茫遠水白無際崢嶸高峯青
可憐奔走幸誇腰腳健依然來醉翠微巔

登烟雨樓

嘉興

早冬天氣尙殘秋四面亭臺一鏡浮湖上鴛鴦他日
夢樓中烟雨此時遊水波清淺魚知樂
上有董香光
魚樂國石碣
驛路迢遙我欲愁聞說弄珠人已去倚欄同望木蘭

舟

時偕胡在軒共遊

登吳山頂

俗稱城隍山

千盤危磴上崔嵬如此江山亦壯哉立馬未酬強虜願射潮空憶霸王才盡收全越歸青眼好浥西湖人酒杯鼓角忽鳴鐘磬發且容塵躅暫徘徊

湖心亭

輕烟散盡午曦和映徹清漣萬縷波山色四圍遙潑翠湖心一點獨浮螺仙居乍似蓬萊小月殿分明桂樹多我被天風吹得到扁舟可許泛漁蓑

孤山林處士墓

天教勝蹟萃西湖誰似孤山處士孤冷到寒梅宜作
配閒如野鶴尙聽呼分明皓月三生在頓覺紅塵一
點無蕩漾香泥同弱水更從何所認方壺

岳忠武王墓

一杯黃土葬英雄萬古難泯報國忠鐵案謀成三字
獄金牌忍廢十年功自安南渡朝廷小誰望中原涕
淚紅朽木殘檠還掘棄冬青遙對恨何窮

于忠肅公墓

北狩烽煙土木紅一時戰守計恩恩經營國步艱難
際收拾人心破敗中力諫始成迎駕議生還偏賞奪

門功青衣未繼徽欽後卻使西湖表二忠

蘇堤

外六橋西裏六橋雨隄楊柳太蕭條客從黃葉聲中去船在碧波淨處搖入畫樓臺宜晚景可人風日是今朝也知遊賞春來妙且與湖山慰寂寥

雷峯塔

童然一塔對南屏隔岸鐘聲入渺冥古跡荒唐爭語怪溪巒秀拔此鍾靈殘陽映處山全赤劫火焚餘草不青可惜恩恩遊未徧又催柔櫓向西泔

西泠橋

傍有蘇小小墓

過盡蘇隄眼更明當年油壁此閒行
水濱艷魄存疑冢柏下同心說舊盟
山勢嶽崎都有態湖波滄澗總多情
斷橋不斷西冷接從此梅花管送迎

酬朱西生秀才

緩

我初與君未相知我友韋子

君

稱君詩索讀一篇亟

傾倒飄然共訪襄君帷爾時意氣籠宇宙聽我狂談
獨解頤自從相別渡淮北年年奔走黃河湄每遇春
秋好風景江花江柳遙相思去歲高堰遭風決幸未
爲魚復何悲潘靳不作時勢異鯁生才短官尤卑縱
有議論無由採况復訥訥稀言辭微吟偶爾寄哀怨

空使涕淚雙漣漣昨奉府檄下吳越片帆來往隨風

吹舊識宋玉

竹亭

工詞翰重尋吳質

松崖

霜滿髭老大相逢

驚相認惟君丰格如昔時贈我長歌盛期許澹吟

未畢還吁噦我今躑躅困簿尉落托未免羣嘲嗤君

有文章重當代蘊藏治術臻雍熙科名爵賞豈不貴

不以其道羞得之江南仲冬天氣暖滿林紅葉猶未

衰擬買扁舟載濁酒相將痛飲傾千巵空山寂寞少

人跡君果能往吾能隨君不見李杜詩篇託夢寐江

深月落來遲遲

無錫吳松厓文學

寶書

舊識於周石雲明府

宗泰幕中時嘉慶己巳子方攝尉蘭陵今
已閱十七寒暑矣茂苑重逢矍鑠彌健話
及往事不勝今昔之感承贈五律一首率
爾和之並記顛末於此

不見吳公久重逢鬢已蒼詩追唐大厯人似魯靈光
故舊悲今昔闕河話短長石雲卒後扶櫬還蜀一篇
珠玉贈欲和幾徬徨遭川江覆舟之險

君繡以貧窮疾苦四律見寄作此慰之

布帆遙逐渡江鴻寂寞長橋咏落楓十口草閒原自
苦弓身穴底那無窮窮詩有弓樣身軀伏穴中之句文章不作金銀

氣塊磊難將藥石攻和到新詩應失笑男兒真是可
憐蟲

荅竹亭

五載愁離索相逢喜不支
澣塵吳苑酒擊節杜陵詩
白眼狂如舊青雲事可知
山村圖畫在歸讀未嫌遲

君有山村
讀書圖

抵上海作 時襄辦海運

四百年前事重行創始同
本來關國計何敢覲天功
稷稻堆如雪帆檣飽任風
願聞儲蓄富紅腐太倉中

守風開港微雪

放艇春申浦收帆開港橋汐潮原有信風雪太無聊
樹色荒村合鐘聲野寺遙可知滄海夜波浪狎輕舸

述荆溪舊事簡陶泉司馬

昔作荆溪尉親看撫字勤訟庭春草滿原野惠風薰
治久推朱邑民還借寇君當時行過處山水有餘芬

二

尺素頻相達謙尊兩得之甘棠懷舊蔭俎豆卻生祠
雙溪士庶思公不已建生祠於王忠烈公祠傍榜題甘棠舊蔭公致書邑紳諄諄峻卻此事何
多讓斯人足去思近聞吳赤子五袴詠來遲